

稀見地方史料叢書

中國稀見地方史料集成

學苑出版社

董光和 齊希 編

中國稀見地方史料集成

第三三冊

吳興雜錄
紹興縣志採訪稿·一

學苑出版社

PDG

(清) 佚名纂 民國間抄本

吳興雜錄

浙江圖書館藏
PDG

吳興雜錄

正月八日立春內出綵花賜近臣武平一應制云中
宗手敕批云平一年雖最少文甚警能悅紅蕖之先
開訝黃鶯之未轉循環吟咀賞歎兼懷今更賜花一
枝以彰其美平一左右交揀舞蹈拜謝崔日用酣飲
奪之上簾下見之詢其故平一跪奏曰讀書萬卷從
日用滿口虛張賜花一枝學平一終身不獲上及侍
臣大笈因更賜酒一盃當時嘆美

常相袞之在福建有僧某者善相占色言事若神相

國惜其僧老命弟子就學其術僧云此事天性非可
造次為傳某見相公左右小吏黃徹焉相命就學僧
遂於闇室中置五色彩於架令視之世人皆用眼力
不盡淬熟看之旬日後依稀認其白者後半載者五
色即洞然而得矣命之曰以若闇中之視五綵迴之
白晝占人因傳其方訣且言後代當無加也李忠公
吉甫云黃徹之占袁許之亞也

陳留阮蘭字弘茂為開封令縣有劫賊外白甚急數
蘭方圍棋長嘯吏云劫急蘭曰局上有劫亦甚急
陳留志

晉羅什與人棋於敵死子空如龍鳳形

宋明帝好圍棋棋甚拙去格七八直物議共欺以為第三品與第一品王抗圍棋依品賭戲抗饒借帝曰皇帝飛棋臣抗不能斷帝終不覺以為信然好之愈

篤

南史

齊高帝性寬嘗與直閣將軍周覆給事中褚思莊累局不倦覆乃抑上手不許易行其弘厚如此南史

南海有飛鳥自空中遺糞于穢不可聞丁晉公之貶崖鳥雖翔而糞不汙至崖盡縱所乘牛馬於山林間一夕皆無遺者翼日遂有光州之命孫公譚圖

孫曉光州人生平事佛甚謹舉家俱齋素不畜雞犬
雖池魚亦取而投之江河一日無疾而卒適有新城
令者到日夢一神謂曰我本縣城隍也今日上任汝
姑讓之如何令問神為誰答曰予光州人孫曉也上
帝因子好善命主此方後令至光訪之其曉終之日
與今日合今其家子孫脩舉子業有文譽亦天報善
人以餘慶也 光州志

宋末光州治地三尺許有甲馬虫出不記其數俱高
三寸許介冑乘馬每五十有一隊長其行肅然不亂
蓋兵象也 夷堅志

王沈為豫州下教曰能陳長史可否說百姓所害者
有賞言刺史得失倍賞主簿褚晔曰上好下應今示
以賞恐捐介之士憚賞不言貪昧之人慕利妄舉沈
從之

陸慶餘為洛州長史善論事而謬于判決其子嘲之
曰陸慶餘筆頭無力嘴頭硬一朝受詞訟十日判不
竟送案褥下慶餘得之曰必是那狗遂鞭之時嘲之
曰說事則喙長三尺判事則手重千斤信有之矣僉
載

裴勛容貌么麼而性尤率易與父坦會飲令飛盞每

局其人輒自言狀垣付勛曰姓人饒舌破車饒楔裴
勛十分勛飲訖而復其盞曰蝙蝠不自見咲他梁上
燕十一郎十分垣第十一也垣怒答之慈恩寺連接
曲江及京輦諸境每榜新得第者姓名於此勛
嘗與親識遊見其父及諸家榜率多物故謂人曰此
皆鬼錄也

玉泉子

元和中郎吏數人省中縱酒話平生各有愛尚及憎
怕者或言愛圖畫及博奕或怕妄與佞工部員外周
愿獨云愛宣州觀察使怕大虫

母之姐妹為從母口姑之子外兄弟也舅之子內兄

弟也爾雅

明皇封禪太山張說為封禪使說女壻鄭鎰本九品
驟遷五品舊例封禪後自三公以下皆遷轉一級耳
鎰兼賜緋衣酺次玄宗恠而問之鎰無辭以對黃繡
綽曰此乃太山之力也

酉陽錄姐自此遂曰丈人為太山

崔崖妻雍氏楊州總校之女雍以涯有詩名資贍甚
厚崔略無恭敬但呼妻父雍老而已雍伏劍呼女謂
崔曰某河朔之人惟習弓馬養女合嫁軍門徒慕士
流之德小女不可別醮便令出家止令剃髮為尼涯
悲泣悔過慟別留詩曰隴上流泉隴下分斷腸嗚咽

不堪聞姁娥一入官中去巫峽千秋空白雲

兩壻相謂曰亞謂其相亞行也江東呼同門為僚壻
爾雅註

王彪敗呼妻為鄉里曰我不忍令鄉里落他處今當
先殺鄉里然後引死楊引頸受刀曾不辭憚南史
沈休文妻山陰柳家女詩云還家問鄉里詎堪持作
夫

予讀漢書匈奴傳不識撐犁孤塗之字有胡奴執燭
顧之余問之曰撐犁天也孤塗子也言匈奴之號單
于猶漢人之有天子也予曠然發悟
立晏春秋

元載寵姬薛瑤英處金絲之帳却塵之褥褥出自句
驪國一云是却塵之獸毛所為其色殷鮮光軟無比
衣龍綃之衣一衣無二兩搏之不盈一握惟曾至楊
公南與載友善得見歌舞至因贈詩舞怯銖衣重咲
疑桃臉開方之漢先帝虛築避風臺公南亦作長歌
其畧曰雪面澹娥天上女鳳簫鸞翅欲飛去玉釵碧
翠步無塵楚腰如柳不勝春及載死瑤英自為里人
妻矣 杜陽編

僕射徐勉勢傾天下在表昂處宴賓主甚歡勉求昂
出內人傳盃昂良久不出勉苦求之昂不獲已命出

五六人始至閭齋昂謂勉曰我無少年老嫗悉是兒
母非王妃母便是主大家今令問訊勉聞大驚求止
方知昂為貴

東坡曰汝南地平無山清韻之外無以娛予者而地
近毫坡特宜檜治事堂二栢與薦福寺兩檜尤為殊
絕使予安此寂寞而妄歸者此君也

种放至闕見韋布長揖宰執楊大年嘲曰不把一言
裨萬乘只又雙手揖三公真宗召楊曰卿安知無一
言裨朕手出十軸書乃放所奏也億曰臣當負荆謝
之吳公與李斯全邑嘗學事焉其為胥誼或謂誼明

申商意有所合按公卿表孝文時吳公為廷尉除誹
謗妖言之罪皆吳公時事 苛法密網至是蕩滌

豈有刑名之習哉循吏傳稱吳公誠身率先居以廉
平不嚴而民從化為循吏首昌嘗以刑名為治哉其
在廷尉如陽春之解陰凌斯民生意既剝而復李斯
之徒有吳公賢不肖在人不在師也

元稹廉問浙東有劉採春自淮南而歸元贈詩有更
有腦人腸斷處選詞能唱望夫歌之句又醉題東武
云因循未歸得不是戀鱸魚盧簡求戲曰丞相雖不
為鱸魚為好鏡湖春色可謂採春也 唐詩紀事

韓香南徐娼也色藝冠時與大將葉氏子交閉門謝客終身為葉父怒牒有司集官軍于射圃中者妻之一老卒中香欣然同歸謂曰夫婦有禮爾買羊沽酒召親故以成禮賓至酒三行香出所費金帛高下猷之八更衣久不出自刎矣歐陽公作雜傳錄遍事五代之臣香雖不入雜傳節亦可尚矣隨隱漫錄

李師師名妓寵於徽宗而私與周邦彥美成昵甚一日正與宴洽而報上遽至周狼狽匿牀下上於座中出新橘食之周潛為度曲以詠其事異日師師歌之上知之怒出周外任師師往錢及歸離索未解淚光

尚瑩瑩也上適至因問師師不敢匿具以狀對後遂
復周官云

竇鞏工為絕句嘗從軍有弔妓東東一篇芳菲美艷
不禁風未至春殘已墜紅惟有側輪車上鐸耳邊常
侶叫東東

葉夢得蔡州會客食鷄頭因論古今嗜好不全歐文
忠嗜鯽魚

陸長愿以舊德為宣武軍行司馬韓愈為巡官全在
使幕或訊年輩相懸愿曰大虫老鼠俱為十二局何
恠之有

李巽問一敗業人曰虞永興手書尚書在否其人不
敢言貨云暫將曲錢愿曰此尚書大迪巽問其故愿
曰已遭堯曲舜曲今又遭曲李顏大開

董龍盤屋人家貧與里人共祀社象買牲牢龍撰文
以祭祭畢分昨久之象不平逐出龍龍造泥飾以祭
祭畢泣于樹下將焚文有白鼠啣文入地穴掘之獲
白金一斗龍不自私率象首官縣令賢之奏聞旌表
其義里人遂名董龍社樹

裴度討吳元濟掘地得一石有銘曰井底一竿竹竹
色源源綠雞未肥酒未熟障車兒即且須縮無解其